

焦太史編輯國朝獻徵錄

焦太史編輯國朝獻徵錄卷之一百四目錄

行太僕寺

卿

趙得祐

陳沂

商廷試

苑馬寺

卿

單應元

少卿

周仕

程梈

鹽運司

運使

鄧崙

李慶

李興

李紀

張容

劉繹

張愷

鄭獻

東漢

趙可與

許詞

同知

蘇璟

楊參

侯 蓋

林 烈

副使

王 沂

蕭 翀

運判

董子儀

金陵黃應登

全校

吳興茅元儀

錢塘徐象模
刻行

作

焦太史編輯國朝獻徵錄卷之一百四

行太僕寺

卿

陝西行太僕寺卿趙得祐傳

永平志

趙得祐字元吉永平盧龍縣人曾祖忠由永樂甲子
舉人任御史改刑部郎中致仕以行誼爲鄉飲賓
舉祀鄉賢得祐三歲失恃稍長好讀書爲諸生隣人
有加以橫逆者讀書自如人服其雅量登嘉靖癸未
進士凡公服以布爲之常道有司皆重其敦雅甫三

月急缺風憲選陝西道監察御史封其父章巡按應
天掌南京畿道而嚴緝松蘇等府案牘及于糾劾輔
臣羣黨側目陞貴州僉事以去未幾以邊材調遼東
巡海省築邊金費調山西兵備分巡冀南道轉貴州
畢節道陞山東叅議而分守遼海東寧道陞陝西副
使備兵肅州其在貴州却金而服蠻夷及撫哈密酒
泉頌之陞陝西行太僕寺卿以丁內艱請致仕歷任
二十七年以清介終始焉林居泊然如書生時其勤
仍下帷枕席皆典籍也薪粟之乏不問蓋其所好在
斯焉居第敝甚知府紀公巡以罰鍰置瓦甃于城角

命役守將爲葺聞而絕然曰得祔薄官時無敢取一芥恐虐地方赤子耳今顧累及桑梓耶樂引後輩而企前修鄉族稱其孝友無間言應事接物坦如也其鄉飲十有五年壽七十三卒至今稱官家不以財累者趙氏也

山西行太僕寺卿陳先生沂墓志銘

顧璘

先生吾南都文人也穎異蚤見軀不甚長神采朗秀
眸子可照少好蘇氏之學筆勢淵溢人謂其類東坡
亦自號曰小坡中歲再變其格詩宗盛唐文出入史
漢歸於簡古晚益好著述浸淫理奧不以綺麗競能
厭趣遠哉璘自登第後相結爲文友傾心四十餘年
切磨契許日益膠固無如兄弟骨肉也頃年先生以
山西行太僕卿璘以洲江布政使各請老居山中與
諸耆舊大夫修淨社甚歡嘉靖丁酉璘乞起爲副

都御史撫楚與先生別殊快快戊戌勉乃以計聞鳴
呼吾與先生交期止此邪先生名沂姓陳氏初字宗
魯後改魯南號石亭居士本宋丞相秀國公升之之
裔曰澤以言青苗謫四明爲鄞人曰珣 國朝以醫
徵入太醫院始家南都其詳載長沙公傳中長沙公
諱鋼稱遲宜子卽先生父初爲黔陽令再擢長沙通
判皆有遺愛祀於土母金安人以成化己丑七月二
日遲宜公先夢釋氏奉明珠入室旦生公五歲能屬
對八歲能摹古人書十歲能詩十二歲能舉業語率
奇拔驚動長者總角著孔黑辨赤實山賦諸文傳誦

人口自是行誼文學日益隆茂弘治辛酉舉鄉試暨
正德丁丑舉進士雖久處韋布時名燁然出人上閣
老野亭劉公太宰白巖喬公少宰柴墟諸公宦南都
時皆海內具瞻鄉定山莊先生負學行高望皆引爲
忘年友旣仕改翰林院庶吉士除編修與修武宗

實錄推內館敎書嘉靖癸未禮部聘同考官甲申與
編修鄒守益等及與修程楊慎再論大禮實錄成進

侍講賜白金文綺隨充經筵講官撰講章善寓

諷勸上問宰臣知其名丙戌持節冊封楚王踰年

出爲江西布政司叅議先生素抱經濟樂於惠民於

是備設科條杜奸完賦同官驚服進山東左叅政按
沂莒滕費諸郡邑察其苗荒發官帑市牛給民墾藝
且寬其稅基年皆熟又爲捐除種馬薪木運部諸徭
民獲甦息嘗至鉅野察有盜將發調卒襲捕散之卽
言於中丞職兵者不謂然已而盜竟破縣去衆許其
略嘗遇執政於德勞之曰先生久外行將召矣對曰
齊民困甚苟行吾疏勝吾受德也意大忤吏部舉河
南福建布政使皆不遷遂改山西行太僕卿再上疏
請老歸築遂初齊於家園杜門著書絕意世事乃今
天不愛賢遽爾見奪蒼生已矣又如鄉國何哉先生

孝友忠信出於天性事二親死生情文備極人所難
及素廉於財長沙公沒後營弟妹婚姻貸以備禮及
貴周郎南都與四明族屬往往曲殫心力嘗有大臣
後流落不能歸葬必圖爲之所居京凡鄉閭人急難
匍匐拯之惟恐後蓋平生舉事造念率歸忠厚固不
可以計數也所著書有皇明翰林志金陵世紀高德
錄誨似錄花巖志遊名山錄晤言詩談總若干卷詩
文拘虛集若干卷又金陵志山東通志南畿總志皆
出筆削狀謂其清修厚德文藻惠政合而歸之曰有
道仁人吾鄉稱爲寶錄

陝西行太僕寺卿商公廷試行狀

張元抃

行太僕卿明洲商公之歿也春秋八十有八矣會冢
子爲正以大理少卿解組歸歸且數月而公廼歿內
外支黨凡爲公所自出者殆百人皆不訃而集太夫
人哭於幃甚哀亦八十有六矣小子某爲公甥婿既
就位哭則又思悼曰傷乎吾怙恃見背皆未及七十
視公何如哉若公則奚憾焉既越月大理公題手述
公事行率其二弟過某拜且泣曰先大夫亡恙時嘗
營菟裘於下塗山之原茲將奉遺蛻而藏焉唯我先

大夫之生平吾子所知吾子其幸狀之嗚呼某其可
辭哉公諱廷試字汝明明洲其別號也南爲著姓世
居汴宋南渡徙潮之噪曰某者伯仲四人並顯故名
其鄉曰陸錦已又徙會稽之樊江則自某始幾傳而
爲澄卽公之大父也以椽爲豐亭長時文毅公方秉
軸而豐亭公又稱廉幹廼以都長攝縣事有惠政清
流人德之覲其卽興忽一日賦白雲卷舒之句題廳
壁拂衣竟歸自稱歸樂公歸而招義冢創義學種德
甚厚自是南氏之興烝烝矣公父曰公澤業舉子一
試不效輒棄去以貴贈贈奉直大夫刑部員外郎妣

謝氏封太宜人。生二子。長曰璉。領嘉靖甲午鄉薦。爲汀龍理公。其次也。初名瑛。舅氏謝。無後。以公爲後。遂更今名。襲姓謝。久之。公旣入仕。而舅氏已舉三子。迺請於朝。復本姓云。公生十歲。而能文。郡邑長召試之。落筆驚人。其呼爲奇童。子戊子。領鄉薦。己丑。歸自北。奉直公及所後母吳安人相繼歿。公執兩喪。情禮曲至。辛丑。成進士。授刑部福建司主事。以儒生爲法吏。人多難之。公默明習典章。遇事燭照。斧斷雖老吏謝弗如。每有疑獄。必就公取決。焉盜竊西內齋。墮物諸。同年被逮。而巨鑑守墮者。得倖脫。公白於尚書。

曰盜入禁地典守者烏得無罪巨鎬林以利害公弗
顧竟置於法邊將某某者以失律論死公草奏謂此
輩久於疆場號勇敢卽有過宜使策奇自贖 上從
之其用法不苛又如此甲午考績遷廣西司員外郎
值覃恩得封贈父母如其官已而奉詔慮囚雲貴取
道歸爲太宜人稱觴上壽迺去滇中率用土舍邏盜
盜卒不可得恩獲譴則誘夷氓以充夷語侏離卒難
辨獄具久之始覺卽欲辨不得矣前後獄獄者類膠
成案莫敢更公愀然曰若是則欽恤之義謂何立爲
辨之若矜疑錄所全活者數百人具恤刑疏草中訖

事歸哭太宜人於途宅憂三年足不入公府庚戌服
除補原官尋遷陝西司郎中其年冬虜入關下 肅
皇帝怒本兵緩援師戮之西市并下職方郎於獄公
當按之時相分宜與郎有連密遣所親屬公公正色
曰兵之緩急在職方尚書且坐是死矣郎烏得免吾
寧忤執政不敢脫三尺以忤 上與俱死亡益持之
益堅分宜大銜之百計構公不得則姑誚公資出爲
黃州守黃於楚諸觀最劇而疲且罷訟公至務爲簡
約汰浮費千餘金斥胥吏舞文者數人檄下諸縣有
所備與爲期期而不至有罰終歲不遺一練下諸縣

晨起視事公門洞開欲訴者亡所問訟入立剖獄亡
繫囚諸縣有所輸第驗封立遣庫亡羨金羣吏束手
無所爲郡庭聞如境內大治斬木豪方某者交縣令
睚眦殺人警家仲鳴之縣令以爲誣繫之獄方賂獄
卒甲拉殺之而以庾成報其弟季鳴之按臺事下守
道方大困則詭季名擅詞撫臺曰殺仲者乙也以索
不遂耳亦下守道方復賂掌按者匿季初詞而以詭
訊季與乙莫知所爲將力爭則又使人首季受乙賄
季不敢爭乙坐死人皆寃之而上卒莫能辨也公閱
其案詫曰乙所索幾何輒殺人是非殺人者俄呼乙

至屏左右詰之乙涕泣良久迺曰某實不殺人季仇
我不知何爲則又呼季至詰之季亦涕曰某所告者
甲耳詞在按不在撫今反之不知何爲公頓足曰吾
知之矣立呼方與甲至一鞠之具伏遂坐兩人死而
釋乙閭郡大快其摘發如見皆此類也河南賊師前
詔糾衆爲亂先與黃接壤遠近恟恟謂賊旦夕且渡
河掠黃所司議調兵以守公爭之曰尚詔陸寇耳當
走山東鼓饑民勢且益熾若走澤國祇就縛耳必不
至調兵何爲旣而賊果不至黃以九江接壤土人爭
界而關所司輒以叛聞議發兵以攻公又爭之曰此

闕而爭地非叛也發兵何爲守請身諭之迺單騎往
衆感泣相率羅拜請虎公與其長偕來見撫臺竟不
發一兵而土宇帖然此兩事者微公民不見賊而已
困於兵所爭尋常而蒙叛名以死者何算也故公之
守黃爲諸郡最至今人人誦之乙卯遷山東按察副
使備兵青州青故多盜而楊思仁者以其兄殺人繫
獄將刼出之哨聚數千人諸黨分部中外剋期而動
值公初下車戒嚴賊不得逞公偵知其狀亟以兵掩
捕之賊擁衆走濰濰多鑛徒公曰賊若合鑛徒據險
阻卽難圖矣遂進兵急擊之賊大敗斬首六百級宥

其降者千餘人度思仁必走河南先期遣勁卒要諸途果獲之賊遂平蒙陰鎮徒王恭劉頤等聚衆亦千餘人久不能捕公曰是可以計取也迺誘其腹心周某者厚撫之因與約曰吾欲取恭頤今歲且暮當以仲春爲期吾以檄來女其爲內應功成當爵女對曰唯唯尋呼諸校立庭下謂曰若等歲暮各放操迺遣周去而密令諸校兼程薄賊衆周歸卒以公語語賊且言已放操賊信之遂不設備會除夜方張安爲衆兵舉火驟進賊倉皇狼顧鼠竄一夕悉就禽公在青平兩巨寇竒正迭用功甚偉而恥於自張捷書上兩

臺又不叙所指授既失兩臺意疏下本兵分宜挾宿憾族臺史掩公功而以罪論調雲南副使備兵金騰公亦不執執緬酋莽達刺者脅三宣撫以叛公駐兵騰越間以禦之酋不敢動復上議撫臺曰酋所需者牌印牌印在永昌庫中國家假此以羈縻諸夷者置之無用非計盍下令令酋改圖爲我守郭毋擾則當爲爾上請貰爾罪予爾牌印酋必感恩悔禍我兵可解甲而民可安枕爲地方計甚便撫臺不能用緬酋至今爲梗滇人每思公言蓋公曉暢物情氣定而識遠故隨其所至輒建樹炳炳識者謂公可肩鉅任然

天性夷坦既不能姁姁取容又不能結交延譽故懷
負雖磊磊而世不盡知也自雲南量移陝西陝西職
在馬而仕者視爲散局率高臥不事事馬政日墮公
欲稍稍振制曾不得展迺嘆曰湖山連我久矣胡不
歸胡不歸遂自投劾乞身去家居踰二十年日唯課
子弄孫自娛深究黃老養生之指其於一切玩好泊
如也晚更號潛翁以見志與人溫溫可親喜愠不遽
形於色至論事可否是非侃侃不阿必當於理其學
博綜今古卽之慨鬱各發爲文詞不事組織而充然
成一家言有明洲集及所訂叅同契藏於家

陝西苑馬寺卿兼按察司僉事單公應元墓志

銘

王家昇

萬曆戊子九月十一日陝西苑馬寺卿單公卒於家
鉅生之年僅周一甲子其先湖廣黃岡人國初有貴
隆者徙屯馬邑歲卽雲中家焉貴隆生德乙德乙生
榮榮生表用高賢遊貴江淮間好義喜施里中稱爲
善人配劉氏是生環爲公父以公貴贈兵部車駕郎
中始贈公配劉宜人生子不育置曹宜人副之生子
又不育家奉大士像曹宜人禮之甚虔一夕夢神人
持果其色正赤如柿芳香嗅人授之曰以此爲而子

覺而爲贈公言贈公以爲祥識之彌月而生公是爲
嘉靖戊子元日因命其名曰應元字之曰德芳生公
二年而劉宜人亦自舉子選爲和州郡王女儀賓例
不得仕於是贈公撫公頂嘆余少孤失學然從舅氏
宦閩中習見詩書之貴矣孺子勉之無令外宗獨盛
也公自是淬志向學以十五歲充郡庠弟子員每試
冠諸弟子文譽藉甚戊午舉於鄉乙丑成進士拜歷
城令歷城巖邑賦訟旁午公至應手辦時察民所疾
苦草率務振其急嘗開田北山下因湖爲渠教民灌
溉治東山奎徑之險仄者以便車馬往來民至今賴

之獨耻趨事上官撫臺某性剛復用犖斷立威郡縣
所具城旦書連者多斃杖下公請自今非重辟罷遣
全活甚多某檄縣徵贖金千公閱籍止得數十金以
報丞勸公上所求甚奢而公薄應之懼無以塞不如
因而饋之可自爲此公曰剝民以媚上有桂冠歸耳
竟無以加某果大恚一日問司以書函金饋某適邑
尉直庭下尉舉篋不勝書委而金見某慙咎對數十
託他事遂却去尉創甚公屬醫調養厚遺之還某謂
公背已而私尉也徧伺公陰事無所得會公奏最當
徵某從中沮之稍遷南京刑部主事庚午滿三年績

得贈父如其官兩妣安人尋轉戶部員外郎用薦文
武才調兵部武選司郎中已調車駕司司主四方郵
傳符驗達官貴人求請無虛日公悉按例謝絕之不
少徇明年出守河南府府治居天下樞冠蓋四集時
有禁不得用傳留滯益多而民益擾公至爲酌定經
費客無停執供億之累稍紆移書勅屬縣汰冗役禁
概訟勸農興學諸屬吏率公指推行之閭郡不嚴而
化又所在置倉儲穀備賑初年萬餘石次年乃數萬
石屬歲侵民不得饑妖民許天宮左道惑衆衆趨之
如流公懼亂設方略擒之亂止嵩山有銀礦民緣爲

奸利椎埋擊殺有司莫敢問公密遣捕盜八人易服
入賊所別伏健卒於要地以待八人潛伺賊首居懸
崖間掩其不備禽之從間道出既遠賊衆始覺駭而
四散嵩洛之間以寧甲子遷四川副使分巡叙瀘諸
郡境接獠夷民俗龐雜公設條教開以禮法不數月
咸知向方獠婦某謀作亂帥劉訥知其狀請兵之公
曰獠所恃積聚耳第募健兒燭其巢此不過一卒之
力豈足勤衆帥從之獠婦果寢其謀亡何移陝備兵
延綏入關按行部贍顧城邑憶贈公爰從舅氏宦游
處愴然悲之益務殫心經略若楚治神木鎮羌諸城

堡以固封守開承清等處荒田以贍屯卒覈諸將領
私役士以裁冗餉糧事犁然飭也貢市再竣兩奉聖
書褒賚而會旁郡倖以查盤至鎮公以屬吏禮遇倖
倖快快還徧譖公於當路不行而河東鹽院亦以徵
贖金故失意入其譖紕公朝論莫直也量調公楚備
兵長沙盜駕舟出沒衡湘間卒不能捕益乘其勢顛
越人於貨公令哨舡皆建大旗其上哨卒以號衣爲
識分番巡緝所往來停舶處津吏署狀馳報卒不得
逞盜遂息丙戌轉陝西苑馬寺卿分巡平涼值歲大
稔牧卒坐馬死不能償逃者過半而部使者下追補

之令甚急公曰馬與人孰貴今乃欲驅生人償死馬耶則屬各監覈寬督促務指撫流亡流亡復馬將漸充而部使者竟謂公舒緩不任事也奏公致仕歸公喜曰失一官而活數千人歸可矣歸未數月疾作遂不起公性簡重燕居無隋容而坦夷有度口未嘗言人之過與客飲觥籌交錯油油灑灑如也尤敦倫誼事贈公及兩宜人色養備至處弟應麟友愛甚篤應麟死拊其孤如已子外翁媪晚貧無所依公迎養別室切而調棺斂塋焉仁厚如此入仕二十餘年所至以清操聞在河南當人覲庫吏索羨金數千謁公曰

此郡守舊例也公叱而卻之稽其金於官三任憲臬未嘗聽人于請里居亦未嘗以事干有司雲中稱邊鎮諸宗及士大夫爭以奢靡相尚公獨澹泊自守服舍朴素蕭然若儒生沒之日所遺惟圖書數卷而已嗟乎以公具文武材負經世之略使得盡究其用功業可勝道哉而廉不能超承方不能詘折仁不能督欲以諧世而炫赫赫之聲難矣宜其屢進而屢躓也然覃氏世受商而公用詩書繼外宗之軌先後官秦卒爲覃氏陽元成贈公之志與夢符可不謂異焉

陝西苑馬少周公仕墓志銘

萬士和

公諱仕字君可號白溪姓周氏太子太保尚書襄敏公冢子也周之家于常自晉始國初徙民實京師周於是徙金陵嘉靖初復居於常公天資篤實厚於奕倫其貌樸而神定對人言語秩如也然皆由衷無少虛飾幼篤學志期遠大初從襄敏公游都下繼入太學內受庭訓出則尋賢師友勤求敎益於是行日益謹而爲文益進然數奇八試于兩歲弗遇也先是襄敏公例當得廢公欲以讓其弟不果公之奮勵讀書辛苦場屋意以已得舉尚可移廢於弟又不果公

曰天人不相值命也不得已就選銓曹授中府都事
時襄敏公致仕里居蚤夜念之不置求便歸省日侍
左右甚樂及襄敏公得脾疾卽上疏乞養親襄敏公
卒公哀毀執喪如禮服闋補前職則又念母吳太夫
人在堂乞南宗人府以便養吳太夫人疾公再棄印
馳還省視太夫人張目曰汝棄官歸來何孝也遂瞑
公身繫于官而前後兩喪視終視殮皆躬親無憾人
謂孝感所致太夫人卒之年公已擢潯州太守未任
及是補選高州離廣省遼遠吏茲土者多徇法自利
公未入境則有以例餽路資於途者公竣拒之及之

官潔身縮費不受一錢供給而於利弊興革一一舉
行如興學校修城隍清獄囚弭盜賊考課爲嶺南最
百姓愚者向化頑者消梗守六載政平治理而廉靖
無欲始終不渝高人頌之臺司獎薦無虛日公屢乞
休撫按輒加慰留嘉靖甲子陞陝西死馬少卿公復
固請致仕銓部請公治高之蹟寢其奏仍促赴任公
勉強就道在任三年諸所建置有裨馬政其繁陝人
之懷如高人之懷公也隆慶初 天子登極公入賀
事畢三疏懇辭當道知公意不可挽始聽其去而公
欣欣然以返初服爲幸歸家謝絕世務閉門嘿坐左

右惟圖書而已雅好書法其行草尤入晉人妙處求者輒應忘其疲也公友愛天至與其弟廣藩司理君同處一室夜分各就寢鷄鳴輒一處盥櫛動止食息無頃刻離司理君亦善事其兄恩意彌篤襄敏公在時嘗欲以其產兩屬公跪請而止及公致政後家齒日繁勢不能合公子三人司理君子六人公欲析爲九分使兩家兄弟多寡適均旣而思之曰如此是存形迹也乃平分之而稍割已分以益諸姪大槩與九分相彷彿而名則變矣公嘗作堂扁之曰五有邇其平生之行無一毫虧欠蓋所謂君子人也非歟

俠西苑馬寺少卿南樓程公燭墓志銘

王 材

程氏系著徽鄂其稱干旴江自元楚國文憲公鉅夫
號雪樓先生楚國生著作郎大本著作生集賢修撰
世京公修撰四世孫也諱燭字文純童穉敏穎長益
勤學里人異之曰是將復見雪樓邪公因自號南樓
以見志舉江西鄉試再上春官未第以母老就官授
河間景州學正挺身範士務先名節次及其文藝嘗
奎引重命主瀛州書院選十八庠弟子員雋者入講
下浙江行省聘爲鄉試考官所錄稱得人尚書鄭公

曉其首選也母憂去職服闋補曹州敦教如景轉松
江府學教授松俗頽靡公力鎮浮誕崇廉質士或詭
諛者輒堂斥之正名宦鄉賢之祀嚴鄉飲之禮士習
大化擢鹽城知縣鹽城海邑民竈賦徭奸避互午公
一覈而正之歲旱蝗民饑公多方以濟有冤獄論死
者十有九人公力爲申雪活之築堤捍決河創水次
倉便轉運凡與民興利去害竭誠悉智惟恐後轉上
元知縣縣在留輦下俗雜政殷勛閭捩驚臺省率貫
公壹意利民不爲趨避心誠孚感輿誦翕然一時位
望若甘泉湛公渭厓霍公獎掖之尤至內璫以事過

金陵者先塋贅虐惟意公夫廩外無儲也璫輒欲辱
公公因陳說民艱璫每爲改容民居近孝陵者時
以誣誤入死獄莫敢爲直公白司寇以身任得從末
減凡聽訟善得情卽諸司成獄有弗平者必辯覆至
再三無所徇諸司疑獄輒下上元諸散荒錢平市
值酌公費後政咸守以爲凜擢南京刑部湖廣司主
事歷員外郎郎中擢知貴州鎮遠府吏方徂獷公勤
恤其隱無鄙薄心興崇教學防遏亂略邊苗屢叛弗
克入境在郡九年鞭朴鮮施兵民化服歲滿進階
中憲大夫轉陝西苑馬寺少卿馬政弊久公勦力振

釐至不下堂五日夜因中風癱矣少間治事如初稽
僕地復牧軍簿覈丁馬一一躬閱之以次待補奸不
得作宿垢以清以勞故疾再作乃致其事公入官四
十年廉勤端惠所至如一尤雅志樹風教在曹白建
節婦坊孝子祠鹽城 奏旌烈婦立陸秀夫祠上元
建何尚寶廉直祠鎮遠建武侯東山紫陽諸祠松江
毀諸妖廟上元毀劉廟以其址塋野死者鎮遠毀黑
神祠而崇飾儒廟增學田修祭器所歷必加意其析
獄不務拷訊要以理屈其心或書聯語韻語于牘
訟者輒自愧退或相視泣解所去必有遺頌勒思于

碑或尸祝于家或祀于名宦歷官薦剡無慮數十初
終一德譽聞四流可謂矯然篤勸君子矣歸休抱疾
猶倡建族祠定祭儀增墓田修譜乘諸先產盡讓其
伯氏自奉儉節家無贏貲年七十有六以嘉靖甲子
季冬四日卒于正寢卽其生辰也平生好揮染多所
纂述是日猶作舍弘堂記云

長蘆鹽運使鄧公崙墓銘

劉儼

儼嘗上奏官中乙榜時同予負奇氣解不就者十八人其一武陵鄧公惟玉朝野士比之登瀛州蓋以其數與其志而言也由是各自奮勵爭先登之爲快越三年爲永樂甲辰鄧公登進士上第拜刑科給事中尋丁內艱服除轉兵科正統改元奉勅巡察大同宣府邊境二年使湖廣咸有聲四年陞長蘆鹽運使於是十八人中後雖有爲達官者然求其蚤蹟顯融則莫踰於公也公長身玉立材志有爲而又遇可

爲之時居得爲之位故爲給事有軍婦翁誣以不孝
當棄市公察情疏其寃婦得不死又條陳軍務等十
餘事皆切時政及巡邊則奏邊境利病使湖廣過南
京則奏南京利病皆盡言無隱且極剴切咸見嘉納
至轉運長蘆凡鹽法之宜奸蠹之弊悉條奏興革之
公私賴焉是足以見公之忠直無往而不效也在長
蘆八年聞父喪歸守制長蘆人不忍其去至今思之
公居喪廬墓三年哀毀骨立以是得風疾景泰改元
興疾起復至京卽上疏乞歸詔許之未行疾復
作卒時二年正月三日享年五十有七公諱崙字惟

玉澹菴其別號也世爲蜀人曾祖和海元常德路儒
學教授因家武陵祖孟昇有隱德父仲恕自工部主
事陞順德湖州守有惠于民兩府之人至今思之

兩浙都轉運鹽使司運使李公慶墓志銘

何喬新

公諱慶字積善家世沔陽之景陵曾祖諱誠祖諱文
旻皆隱居不仕而以長厚稱考諱旺以公貴贈奉政
大夫南京禮部儀制司郎中妣楊氏贈宜人公明允
淵塞得諸天賦弱冠補邑庠弟子員讀書古文竟日
不越戶限回舍生或舞智欺之公一應以誠若不悟
其欺者久之自愧服繇是長者愛少者敬皆曰李生
君子也以久次升南雍其持已接物如在邑庠時六
館之士皆重之正統九年夏六月擢建昌府同知公

在官祿其民猶子治官政猶已私事同官督民賦者
慮愆期爲已累每歲十月輒督之期會嚴急民以爲
病公嘆曰十月江南收穫時也奈何遽責其輸賦邪
乃下令曰賦當輸京者期臘月畢當畱縣者期正月
畢民間令大喜輸者糜至罔敢後丁父憂去民挽留
不得追送出境而後返服闋改南京戶部浙江司郎
中南都糧餉自兩浙輸者十之六同官以浙多巨室
凡朱墨諸筆衲襴之屬皆責輸者供之公既祿事一
切罷之輸者歡呼尋丁繼母憂去服闋改南京禮部
儀制司郎中南畿諸郡歲進表箋例送禮部轉以

上聞奸吏需求百端或指撻點畫之訛以求賂公悉
禁絕吏縮手不敢動陞浙江都轉運鹽使司運使兩
浙鹽利爲它運司甲巨商豪賈投券者踵相躡于庭
前此爲運使者交通商賈富及僕隸公至官嚴簿書
時出納絕請謁有持券請鹽者按歲月先後給之權
貴請託皆謝絕不顧在官二年歲課三倍它使天順
七年春公以老乞致仕歸至姑蘇疾作卒于舟公與
人交久而益篤聞其喪則爲位哭之其居官廉俸祿
所入多以賑宗族故舊之貧者日用不給則貸貸以
繼之其爲運使布衣蔬食處之澹然或譏其處脂膏

中不能自潤公自若也歷官幾二十年所居第宅茅
屋數椽田園不增尺寸歿之日妻子無以爲喪嗚呼
賢哉

長蘆鹽運使李公璵傳

李 濂

李公璵字廷瑞祥符人家于汴城東四十里曰埽頭
曾大父肅恭元樞密都事父節永樂甲午舉人爲州
川官操持清苦坐汚殘免官公刻骨慟傷之益底勵
志節景泰庚午以春秋領鄉薦甲戌登進士授戶部
廣西司主事 勅權濟寧升課甫期積額外羨餘數
萬兩盡輸之官不以一毫私已由是廉聲峻著擢四
川司員外郎復奉 命稽察畿內諸郡縣府藏所至
先封其倉庫按藉覈之典守者弗得彌縫旋補盡得

其使漁虛耗之狀參劾罷出者若干人未幾擢浙江
司郎中階奉直大夫受 詔命居無何公墜馬傷足
躡千步殿朝參弗便時盧氏耿文恪公裕爲少宰與
公同年進士雅重公且念其守官苦節家業未立乃
以其故言于部冢宰遂擢公長蘆鹽運使寔欲其循
常例爲自腴計公聞之笑曰非吾志也旣抵任嚴立
條格分毫無所取其應得俸金恒寄予宗族爲婚喪
費又周濟閭里親故之貧乏者及致仕還篋笥無長
物惟故人某贈赤壁圖一副公旣歸仍居埽頭田廬
弗增益尺寸貧不能糊口乃以訓課里中童蒙爲業

宜人王氏晝夜績紡不輟終身無怨言公林居二十
年貧益甚每出行徒步不能具巾車時有米知縣者
知公賢數有餽遺公不卻亦不致謝藩臬諸公按部
屬邑由城東官道者輒枉駕數十里造公公亦弗能
備醪饌款畱坐久惟再茗而已汴父老曰李運使簡
靜朴直甘澹泊恥干謁歲惟春冬鄉飲入城赴宴宴
畢卽出城返村舍未嘗輕身一見官長然官長領有
轉加敬者亦或惡其太簡伉云

論曰余聞國朝廉吏出自吾邵者有鹿邑軒公觀
太康顧公佐二公之後乃有祥符李公璵云李公歷

南金 卷之二十四
官三十年皆典財賦其歸也貧窶特甚乃訓家材塋以自給其死也弗能具棺殮當時潘臬諸君子合銀十兩以賻始克襄厝嗚呼清修苦節非人情所甘也李公秉介貞固終始靡變而絕口不自言其廉庶幾清畏人知者哉惜乎子孫衰微無業儒者故其事實亡可考近屬門人李生華魯訪求之僅得其平生之槩如此噫使及今不爲之傳後世豈復有知李運使乎

福建都轉運鹽使司運使李公紀墓志銘

何景明

公諱紀字朝振潞州人也中成化乙酉山西省試授
故城知縣遷錦衣衛經歷臨洮府知府累遷至福建
運使曾大父本大父日初皆長者不仕公貴贈錦衣
經歷母宋氏贈孺人公魁岸甚莊望之若神健辯說
聲如鼓鍾人咸尊憚敬聽之少好讀書苦刻父孱慮
而禁之莫從也自言曰苟弗欲事往古名天下焉已
矣苟欲事焉弗讀無能爲也記善無遺忘一目過者
老尚能口誦也以故稽古言當世皆从秋有理叙可

施弗直如虛詆已也故城縣俗昏議財多財爲禮少財爲耻貧家男女或壯老無一匹也公至盡召諸里耆曰夫昏也爾賣爾女邪俾爾女有家邪卽賣女有大賈無用議二姓禮若俾女有家而俾多出財貧室女何以能家也卽人家終窘無財爾能俾爾女終無家邪自今昏有議財者有法法弗有貸于是縣中貧而匹者千人縣故有官地占于豪官莫能奪公按文責地豪卽出之還官乃歲以地出給貧民緩其征是時河間郡縣最稱故城縣治乃擢故城令爲錦衣衛經歷六年擢臨洮府知府臨洮雜番桀難治公曰不

標法示毒人無以遠惡也乃治其豪侮法慢令者治
益尚嚴明吏氏人人無不惴恐無敢冒文者其後人
人乃得自緩不至陷害郡則太治守日與寮張宴坐
花行酒吹笙竽時與衛宮擁旌旄伐金鼓出城行射
較獵然人人亦喜觀曰太守甚樂孔武弗擾也洸水
將壞城洶洶不可渡守登城指某山石可隄某山木
可梁乃築石隄水去城三里伐木爲八舟梁之在
郡剛方自持不能恭事上官上官多畏害之都御史
有親故過府販綿葛求守令于民爲倍利焉守曰此
何以令民吾爲民守終不能爲都御史親故販而董

利漁民將執之其人懼而遁詣于都御史都御史彈
守降爲長蘆運司同知或勸公曰運司財利府也人
無有望身名陟者公又貪獨不自爲計邪弗聽益峻
自潔嘗赴京請大商賈人張具于路遮馬留食公策
馬趨過之叱曰吾食汝邪于是御史嘉之上其名曰
居可貪弗汚者今見有李同知爾公嘗曰寧死不屈
寧貧不食觀此公之言施矣然公爲舉人時已能却
金不爲人干請蓋其方廉志性不移如此由長蘆擢
福建運使一年乞致仕歸曰吾何以弗已邪世之見
用者予知之矣不附勢率通滑爾方者貶廉者塞吾

無用矣吾何以弗已邪別號默菴晚又號漳夷主人
好吟咏著有默菴集既疾會其親族子弟曰吾年止
今日吾平生儉人以爲盡吾無人以爲有夫誰知予
者遂出篋笥開使其視之惟圖書衣帻而已景明從
先君爲驛丞時公使與予汝佐同學朝夕惠教卽父
師矣嘗謂毛夫人曰汝視景明外可以異汝佐平然
毛夫人視景明不啻不異汝佐也先君致仕貧甚公
餽之車馬其歸也集衛官送之郊亭上場酌先君
曰吾老友酌景明日吾小友也夫子侍公三年也凡
公所鑒識望勸予者皆德義風慕無窮之事豈有世

俗庸淺之見者哉其所自負與又甚宏遠深厚予以
爲有將相器業而卒軫抑不究其用何哉豈古所謂
賢人困厄廉士無名者邪予歲公之言行甚衆不悉
志志其大章章者

河東陝西都轉運使張君咨墓碑

李東陽

商河張氏故宦族五世榮仕元爲散騎常侍避亂商河因家焉考諱紳以明經舉累官知均州進階朝列大夫致仕贈中憲大夫母王氏封大恭人君諱咨字廷臣少時日記數千言天順己卯舉山東鄉貢成化辛卯知光州光人故有知商河者聞君至出迓百里外君素悉其人一見後不復與通分廵某僉事囑爲故人營私第君曰傷民財力而以媚人吾弗忍也或匿人器物爲所訟官捕之急乃撲殺其妾以誣捕者

君給其繼母曰何爲殺汝婦其母惶駭吐實其他隨
事剖決庭無留案丁外艱丙申服闋改涿州抑彊植
弱躬審戶籍徭役用平歲發官庫貸民薄收其息以
助逋賦汪太監直以大軍出供億繁重民恃以不擾
梁太監芳奉 旨往建東嶽廟欲得君董役因以役
州人君却以正義梁怒而去人皆危君竟亦無所害
有霸州人商于涿被誣爲盜君辯釋之其人畫像祝
于家甲辰擢知衛輝府連歲大侵人相食君百計賑
卹又爲粥以食流民所活甚衆後道保定有數十人
羅拜馬首問之乃前年食粥者曰我輩非公虎久矣

因隨行數里戀戀不忍釋弘治戊中大疫死者相藉
君度城東隙地爲義冢瘞之城西北瀕衛水恒苦河
患君於城南鑿支河水勢始殺葑下內艱癸丑改九
江會蒲王之國所過設行幄皆被錦綺君止用竹簟
繒布省費十六七已未遷河東都轉運使解池鹽遇
雨輒壞君先期給食貧者俾以時應役得鹽數倍盡
補通課又以羨餘市馬數千匹以給邊卒人稱其才
壬戌上疏乞致仕以去蓋自筮仕至是三十年凡五
命皆專官獨任故志得意遂所至著聲績爲部使所
旌獲錫誥命又以千貲進階中大夫顯于厥世其居

家孝謹在光時嘗迎父養與兄顧德府同知暉弟曲陽縣知縣吉從弟階州同知奇相友愛且教二弟子成公服亦集諸生講解經義尤嚴家訓諸子未仕戒不服羅綺及與身貴時亦未見其華侈踰度也生正統丙辰卒正德辛未時七十六

長蘆都轉運鹽使司運使劉公釋墓表

韓邦奇

正德初間代之陽有劉鐵漢者公也秉猷持憲直公
逆時獲罪權奸濱死無悔幸而人謀効義天神協靈
得再生焉當是時也羣宦慳慳瑾尤肆害願伯爲皇
制聲動卽天章喜愠回生死呼吸撼乾坤拂心忤意
則汗清官墻希肯承顏則企慕嗣世迫管海內燠煖
朝廷文章之士牙籤錦軸頌德者盈几介冑之夫首
功汗綬呈勲者填門比當大賀之時適瑾有私家之
慶公卿百執事嚮呼舞蹈於當階者十惟八九而稽

首効用於瑾前者則濟濟罔缺焉時何時也公何人
也而與之抗昔東漢黨錮之禍如爐如鑊孔褒以役
主爭虎皇甫規以無名耻生千載壯之皆成仁取義
之志公無愧焉嗚呼可以表其墓矣丙寅公總理遼
東糧儲兼屯種瑾初擅權正急于食或告瑾曰文官
富有惟邊郎耳瑾明言指意而公弗從瑾怒械至京
師枷號示衆時枷重法嚴晝夜監守雖親友莫敢近
他枷者多十日餘卽死獨公枷月餘不死時公同郡
王庵者以虎侍側日夕不離公曰我虎其職分也如
君何王終不去方枷時有黃冠者至公邸遺家人藥

一丸曰日剝一分服之盡則難脫是日公夢仙人自
霄而下以一丸藥納之口覺而口尚有藥香監守者
俱言見老人送藥忽不見於是喧聞九市上達朝堂
而西麓張太宰乘此異言之瑾得釋爲民後太宰又
云宜起用以示公道遂授監察御史未幾而瑾敗朝
野稱爲鐵漢云若夫公幼而悟長而文持已之行正
家之教範鄉之義泄官之政所當書者不具書而獨
取公處死生大節彰彰於時者爲世楷法云公諱釋
字以成號斗山姓劉氏山西太原府代州西關人也
登成化丁未貴宏榜進士初授戶部主事歷郎中改

監察御史陞河南衛輝府知府陞長廬都轉運鹽使
司運使進階嘉議大夫云

運使張公愷墓碑銘

唐順之

張公諱愷字元之號企齋後更以其所居爲號曰東
洛先世居江陰至公父始徙無錫今爲無錫人公以
成化甲辰中進士遭父喪服除授兵部職方司主事
守山海關任滿改刑部主事落職爲順德府管馬通
判歷東平州知州黎平府知府又落職家居用言官
薦起知太原府未任轉福建都轉運鹽使司運使致
仕歸凡若干年而卒年八十有六爲人狷介自植於
不潔一無所屑其居官所至公廉執法不肯小有所

詘其志其在山海關關故藉錢于旅人以給官用公
卽移檄永平府使量出關帑代其費至今便之歷順
德黎平東平三州郡皆有惠利在民務先禮教而後
誅罰其自東平徙黎平也東平人至涕泣遮道不忍
其去公平生旣不受人一介人亦不敢輕以一介涸
公自爲進士服除赴選邑令贐之二十金公謝却之
其後爲運使罷歸諸賈人力請致羨餘九百金于公
公拒弗內也獨在東平時受一帶於郡人太守張鄺
鄺重義人也年九十餘矣未嘗謁于有司公去東平
獨率子弟出餞且請贈公兩帶公辭不獲而受其一

惟公能致邨之出惟邨能致公之受蓋兩相爲重云
其在黎平黎平所治苗僚默伏絡崗間頑犷不可羈
繼而府治寓湖廣五開衛城諸苗人辦稅錢率爲搜
取不敢人以是多逋課又舊設撫苗官苞苴黷貨大
爲諸苗害公力請罷之且移文湖廣諸司戢官軍由
是諸苗始出入城郭無所苦而稅錢得完諸苗有仇
殺積十餘年不解者公與刻日爲盟遂解去自是賢
聲著蠻中在運司公清如州郡時鈐束貴勢人不得
占鹽公雖以廉輟強直爲上下所快亦以此取嫉于
人故屢奮而屢蹶其自刑輟而出順德也坐中官羅

徹諸曹或謂公召曹未久可自白公曰諸曹皆無辜
我何用獨免爲在黎平上官以不時謁爲咎然竟不
往因齟齬力請謝病值閣瑾怒罰米奪官則又蹶在
運司爲忌者所論則又蹶蹶不肯少貶而世遂亦
不能容公然其忠信著乎其官靖節乎乎其鄉則雖
嫉公者固亦不得掩也公壯歲嚴毅晚更益以寬和
絕聲色綺麗博奕之好罷歸三十餘年未嘗一詣公
府里人高其義有曲直多就公決公死時篋中無一
金之積嘗有盜夜突入其室發篋空無所得快快去
公爲詩識之曰平生不受一文賄垂老猶疑千鎰藏

所著有詩文若干卷及備遺錄補贊四臣事評蠅
餘音諸書共若干卷藏于家

山東都轉運鹽使司運使鄭君獻墓志銘

劉龍

山東都轉運使鄭君信卿至自京師僅數日以疾卒於家君諱獻字信卿思齊其別號也其先河南固始人五季時有諱瓘者爲評事徙浙之平陽代爲著姓國初有諱政者始從戎南京驍騎右衛因家焉大父諱貴父諱讓俱隱德弗輝生三子君爲長髫年天資穎異從長史王君廷表治尚書見者奇之稱爲遠器弱冠游應天鄉校力學不息期振門戶以成先志弘治乙卯薦于鄉已未登進士第授新喻令下車卽課

晨桑均徭役平獄訟民賴以安乃葺修廟學作典土
類文化蔚然以治行被旌名爲刑部主事疏乞養母
改南京刑部遷郎中贈父讓如其官母魏封太安人
持廉秉公獄無冤滯聲稱籍甚大司寇弋公禮遇特
優擢知高州府尋以才堪治繁調南昌府始至適宸
濠謀逆締結權奸氣焰薰灼莫敢誰何豪傑之流亦
往往被其籠絡君仗忠義奮不顧身歲時宴遣一無
所與其羣小不法輒問以編戍凡百需索峻爲拒絕
意在剪其爪牙潛消逆萌積恨旣深遂以誣奏下獄
煅煉屢瀕於死及變作猶械繫於舟欲脅以從君采

其急得脫而登岸鼓舞義士且戰且行以所獲逆徒
與馬若干奔獻軍門都御史陽明王公知府松月伍
公相與慰勞委以原職守城因備陳賊情并蕩平方
畧多見采納卒得罪人君役使剝餘黨撫輯居民以
俟其定君子謂是役也君實與有力焉顧以介直忤
當事者竟不蒙錄物論稱屈屢經勘覈久之不報君
乃自陳始末事下吏部移兵部取實遂白以聞擢河
東都轉運使值太安人壽八十馳歸爲壽乃不及見
君哀毀幾不欲生家居諸禮餘不暇及起復改山東
運使放舟南還未至疾已作遂不可療卒嘉靖己丑

四月距生成化辛卯六月壽五十有九子男三守矩
仕爲令

長蘆都轉運鹽使司運使渭川東公漢狀

王維楨

公諱漢字希節別號渭川成化乙未五月二十四日
生嘉靖辛丑十二月二十四日卒得年六十有七歲
東氏之先蓋鞏昌人有韓良患者仕元爲商州總管
值紅巾亂城陷死之於公爲高祖事定高祖之配節
携其子驥走居華州不去遂世爲華州人驥子昇博
學有文以貢爲商河縣丞驥公曾祖昇公祖也昇有
子四人舉進士者三人長思忠四川按察兵備副使
次思誠吏部考功員外郎次思葵兵科給事中而渭

川公者按察公第三子也按察公配薛秦人而生公
公生之夕秦人夢樂聲洋洋自空中下導一綠衣婦
盤捧嬰兒降秦人寢所謂秦人曰此與若爲子公生
而天性孝友靈穎非常年十一按察公卒于官公扶
柩悲號自蜀及家間關數千里不替比長窮覽墳典
刻厲有志嘗曰夫余冠簪之胄而書史之業也先大
夫沒垂空橐以歸乃余兄弟不自圖振興令延累老
母其何顏見先大父于地下乎弘治癸丑車駕君謁
試禮部公從之至京因受無錫秦公之學無錫之學
主理公既依秦乃遂卽其京之慶壽寺僑寓卒業嘗

夜不就榻晝自炊食惡衣蔬餼意澹性恬若不自知
爲貴家公子如今之藉梁肉縱厭飫者久之學大益
曰吾可歸矣歸爲學官弟子遂有名會遂菴楊公者
校士華州覽公文詫曰何物英俊而究理若是乃優
之首拔置正學書院書院萃三秦之才乃三秦之才
亦靡不推轂東氏矣戊午果中鄉試高等當是時人
謂公進士可一捷而公亦以探囊視進士乃五試有
司竟不合豈非命哉正德辛未涪川公始就選吏部
授直隸池州府同知諸人口吾母老矣坎必第能養
吾懼蓬露之先聯也卑藝稷禹咸焯焯若是從何第

出故夫貴自樹立耳至池州會池州造黃冊立法祛
弊招亡附籍收九百一十八戶男婦二萬三千二百
二十二口大稱增益劇賊劉七起攻陷劫掠流溥江
湖吳楚間勢如烈熾其有敢禦同知曰關士死戰義
夫死守乃點選民兵得壯丁數千人各陣于永豐鎮
關壠口鷄壠山等處晝操夜守斷絕賊路賊以是不
犯又石埭章仁者起兵謀叛患且不測賴同知計乃
止殲渠魁餘黨悉降無虞又胡天龍者連結王浩八
聚衆行劫衝突無前同知分兵于大洪嶺莊嶺赤嶺
羊棧嶺並通黔和等處下令曰賊來直前力戰有後

者論死賊凡數十遇凱敗斬遁三月賊遂平此卽介
冑之勇衛雇之略不能踰矣人常言書生書生豈謂
池州公哉而又有糧長柯瑞者匿金于盆覆葡萄其
上稱獻葡萄而中實金公覺之發其事而坐以罪民
于是有水清之謠又有伴文寶者劫殺人而匿胡三
隆所捕者至文寶買捕者顧誣指三隆爲劫縛于官
文寶獲賞公察三隆有冤色而文寶卽應口吐實三
隆得釋人服其神由是三吳數郡之政咸稱池州而
池州之聲益纍纍騰薦牒矣川戊改鎮江府同知同
知治鎮江一如治池鎮江之人咸同知一如池戎勃

像千石祠之家同知之政大抵察民隱剔政蠹戢豪
右斥姦究故所至咸戴云丙子陞南京戶部雲南司
員外郎庚辰陞本部河南司郎中員外郎故有廉聲
罕藩之變部議齎金募兵諸當行者輒辭不往獨員
外請行已又返其羨金太司馬喬公聞之嘆曰殺哉
東員外不可能也乃疏薦之武廟南狩天兵百萬
員外以輸餉不乏欽賞白金二十兩綵幣二表裏一
時稱焉旣爲郎中奉檄清查江西錢糧得五百萬石
宿弊一洗勞費心神遂以疾乞歸而侍太恭人養于
家歸三年而爲嘉靖甲申遂卽其家陞江西九江知

府九江三年有修文廟之功辨海賊之誣毀淫祠以
正俗殄渠寇以靖難等事丁亥改南昌南昌視九江
倍劇知府優優理之一如無事時有鎮守黎太監者
恬勢張威誅索無忌獨不能干知府知府見之傲不
禮遂拂衣出會錦衣使者至意將干知府太監聞之
爲錦衣言曰固且止東太守爲人剛直犯之不可吃
屹如此歲大饑出粟救餓他郡悉來就食不爲禁曰
均吾民也奈何分彼此邪活者數萬人於是巡撫陳
公巡按徐公秦公咸薦知府爲九江兵備副使會當
塗弗悅不報戊子陞長蘆鹽運使運使一年釐弊通

商人人戴之爲勒石頌德庚寅上疏乞致仕侍親略
曰臣母八十有五歲矣而又喪明艱能就養臣日夜
思之緣厚籍國恩未忍言去即使母壽及百年計得
侍才十五歲耳矧人生驟驟飄風也臣願得歸願
陛下恤臣私 上許之歸一年而太恭人卒哀哭骨
立臥土草干樞側大冬嚴雪未嘗之避嗟乎孝哉運
使歸時諸兄弟獨御史公在御史公有同樂園在城
南華山之隈公亦治園西溪建四望樓構淡然亭築
友華臺鑿愛蓮池景色靈勝並稱兩絕二公者時命
車載酒放歌交歡鄉人傳羨差慕比之二疏二疏者

辭榮知止克享餘齡者也御史病卒運使痛悼於
竟致疾至此悲哉

運使趙公可與神道碑

李本

予爲舉子時青石趙公爲三衢守公獎掖後進興起
斯文於是創書院簡屬邑弟子數十員聘其中聘平
諄之予時賤貧而公深器重輒枉推轂解衣授餐養
平生相知無如公已公旣歿趙公墓者匪予其誰哉
按狀公諱可與字令中別號青石古郡安成人系出
宋宗室公在襁褓乳媼不戒忽失手墜江中頃之泮
水出不死聞者嘆異甫九齡卽善屬文四六閑老彭文
思公亟稱許之長乃從尚書趙莊靖公游得三傳宗

旨正德癸酉領鄉書再上春官不第授遂萊教諭遂萊海上邑無逢迎而山海奧奇公益肆力問學勤勞教事攬結之暇發爲文章閱肆淵博方伯姚公鎮見而偉之碑修齊魯通志已復被聘校文關中簡懼皆名士故事校官歷六年得復會試公自謂及期取上第無難矣乃當路交薦之居四年以經明行修徵擢兵部主事歷員外郎郎中甚爲尚書遜菴李公幸菴彭公所重諸大章疏多出公手旣而權守三衢衢人多魯士先嚮學公每行學令諸生橫經質難條析疑義人人解頤已復選五邑之雋就干師資而躬自課

督今都御史毛君愷宋君淳大理少卿趙君鏞布政
司徐君需給事中徐君公遠吏部郎徐君文沔暨科
甲士十數人斌斌在列公所造也在郡時多異政語
在生祠記中予不復詳後以書最行疏復趙姓尋轉
福建都運時御史某見公伉屬守高不爲屈甚銜之
誣公陰事事白當復任而公遂懸車矣公以文章政
事知名當世在林下垂三十年生于成化二十一年
没于嘉靖四十年壽七十有七歲所著孤樹叢談青
石遺稿已行于世由此言之豈在通顯哉

長蘆運使許公詞墓表

許氏爲靈寶著姓其世系甚遠唐宋及勝國代有顯者乃今益盛先襄毅翁位冢宰階正治上卿太子太保卒贈光祿大夫如今太宰階實生子八人皆賢而先戶部尚書謚康敏公洎今太宰尤煒綽顯大公則襄毅第六子也諱詞字廷章號柳溪以襄毅恩授南京都督經歷改中軍都督府經歷明年擢守貴州思南府以母憂未任服闋補湖廣鄖陽府改四川保寧府尋擢今官未幾以疾卒公少而雋敏孝友篤至襄毅公卒奉母夫人能色養承歡疾則躬侍湯藥衣不

解帶事兄如嚴師欽欽佩服訓言無怠以故德器夙
成既入仕益自樹立才識恢裕官轍所至動有成績
其知鄖陽也值歲侵公告糴旁郡賑給有法全活不
可勝紀故有冤獄久不決公辨出之保康爲鄖陽屬
邑先是邑有不軌者事涉於學討逆後學遂廢久莫
克舉公申上官奏白得旨則卜地創構黌宮置弟子
員悉如故六龍南狩檄傍午供億自出有司
往往逃避公獨挺身任事綜理周密構宣城行宮二
百楹不終日而事集顯陵之役徵鄖七邑燒造磚
埴里甲科歛紛然公力請當道聽市新開窰於承天

近地量發民夫給役費乃大省保寧往歲曾議封王於其境府既構而輟居遺宇故存雖經奏毀而莫敢任其責者風雨摧剝行道爲嗟公平屬經理其事易貲得鉅萬實公帑以餘材繕葺學舍治諸廨宇卽廢址列市肆區畫井井六十年榛莽之地倏爲一都會蜀人歌美之公旣以才放達於政名日益起撫按臣文章薦之蒲臬率署上考至上被天子獎譽在郎時以平賊功洎迎駕勞勩兩拜大紅表裏之賜其改保寧也特旨若曰知府許詞輝勤任事加於諸臣之上其調繁劇以盡厥才縉紳傳以爲榮保寧任

宋史
常山
志
卷之
一

未幾卽起今官益駁駁向用而惜也公死矣初公居
常恩當世大務言清事當預擬常變欲江舟達淮淮
達汴至開封府陸運至衛輝入河若河澁則悉從陸
別設官招募不過百八十里可達京師庶緩急得濟
疏檄上未果人皆以未盡公才爲惜

兩淮鹽運司同知蘇公璟行狀

林則明

公諱璟字士英先世居東昌臨清大父文德避元亂徙汴遂爲祥符人父子成以公貴贈奉直大夫協政庶尹直隸徐州知州公幼有大志器行開達類老成人父異之曰它日尤吾宗者其此子乎領永樂癸卯鄉薦宣德元年丙午鴻臚寺序班員闕勅銓部擇儀表魁碩音吐洪亮者充之公被首選滿九載稱職正統元年丙辰推舉州縣正官刑部尚書魏公源以公薦擢陝西乾州知州初下車以作興學校爲已任暇

則課諸生而勸懲之乾州土瘠民貧恒廢耕作公以
時督其樹藝貧者給以種每祈禱雨暘輒應百姓愛
戴之公創集場以通貿易立官房以居流亾凡可以
利民者無不爲不數載戶口增倍屢正統丙寅滿九
載父歿守制歸服闋改徐州知州徐州爲南北要衝
奔走供億民甚苦之公編定次第月用三日餘得盡
力農畝有飛蝗入境公禱于城隍之神設坑坎以待
蝗悉投入若有驅之者人皆異之正統己巳考績書
上最賜誥命封其父如巳官母妻皆宜人云是歲秋
北虜入寇詔選練達才望者任監察御史公與焉蒙

錫燕賚勅往永平府簡練兵民保障畿輔冬十月虜
逼京城公引兵入援戮力戰守虜退論者謂公功居
多朝議賞功之典公當遷方岳久無闕景泰辛未擢
兩淮都轉運鹽使司同知癸酉公年六十五矣乃懇
乞致仕天順甲申蒙 恩詔進階中順大夫成化庚
寅六月公卒壽八十有二正統己巳北虜犯順朝廷
既已命將出師勦平于外尚慮邊境遼遠關隘關防
特選憲臣十有五人分鎮畿之内外要地簡練軍民
爲中外應援時風憲臣內中 者僅三人翰苑黃門
地官秋官各舉三人改監察御史以便行事而州以

編修預焉受勅將行內留三人別用復推銓部候
選者補之亦改御史而祥符蘇公以知州考滿在京
中選勅守永平明年北虜復修敬順邊事寧安守鎮
之官各還其舊職云

戶部尚書關西楊鼎撰墓碑銘

長蘆都轉運鹽使司同知楊公慘墓志銘

許宗魯

予幼執經父執聞轉運公談論爲多大抵其言以忠
孝廉節爲本其學以修己治人爲任當其據事發論
侃侃登臺乃其體貌巖岸見者罔不推服予心師宗
之嗣予爲御史巡按江南道出杞國見杞之治蹟異
於旁他邑坐父老樹下問之父老曰是我先楊侯治
也予詳其由父老曰杞濱於河歲罹凶災公府民居
草莽沮澤田野疆里漫漶汚渚困賦家藏逋負困竭
鉅盜流劫并邑災蕩中瑇誅求絲粟靡遺杞民相眎

轉於溝壑矣我侯適至動心經理宮雘野闢賦充藏
富盜不入境橫歛逆避犯民乃生今侯守汝矣遺風
自若也子嘆曰嘻良哉令哉比子視學入楚取道於
汝見汝之民上下長少揖遜有禮耕讀有業恬恬熙
熙若古之遺予問之其民曰此吾前守楊侯之政教
也曰吾汝之俗樸而野民惰於業而闇於禮楊侯至
止課民之業以耕以讀教民以則而納之禮政迺大
成侯去汝治固自若也子嘆曰嘻良哉牧哉今觀其
狀載公治杞治汝事蹟班班與予所見合其在杞則
禦流賦止誅求二者尤事之難而金帛之錫蓋亦殊

範也。迺其在汝之政建明道之祠奉三蘇之墓其所
以風汝者爲先故但人頌其政汝人服其化若其同
知大名輩小灘對運之例銀同知松江辭芟草之金
去織造之弊息坍江之爭却考績之贈皆播之聲詩
傳諸遠邇揆之杞汝槃盞可信云狀稱楊氏華陰之
裔後徙登城至國初處士仲微始編籍臨懷仲微生
和和生讓讓生智配尚氏繼魏氏寔生轉運公公名
慘字子喬號石川初從季父懷仁授尚書後又從臨
潼周先生景咸寧高先生冲授毛詩番誓爲文有奇
氣提學浮梁戴公石崇楊公皆賞其文稱曰佳士弘

治乙卯舉鄉試第二人五試禮部不第銓授河南杞
縣知縣用薦陞汝州知州尋陞直隸大名府同知丁
外艱服闋復除直隸松江府同知居松七年陞長蘆
都轉運鹽使司同知乞休 上嘉其廉退予致仕故

稱轉運公云許宗魯曰予志轉運公文有詳畧者蓋
重予所見以例其餘也大都於人見者爲確聞者半
之若轉運公家食之行宦遊之蹟予益見之十六七
矣夫志以傳信詳予之見正以信于人人也狀載公
令杞日嘗書忠孝歌以徇民民各自厲盜不入境夷
考公奉公守法不畏權勢嚴親惇族終始不渝蓋身

體力行者迺其進禮退義履滿知止充足以廉貪立
懦得聖賢之訓焉至其退處於鄉謝跡城府相羊丘
壑壽考康寧以終天年古稱達人公其類歟

河東陝西都轉運鹽使司同知侯君蓋墓碣銘

吳寬撰

公諱蓋字進忠姓侯氏其先汴人也從宋南遷始居
松江故今爲華亭人高祖道元當元季兵荒好爲義
事曾祖彥才祖世隆考圭竝以隱德稱母盛氏君少
游郡學廬陵孫先生時爲教授命作無極太極論文
成理致粲然甚見稱許正統辛酉中應天府鄉試屢
試禮部不中景泰乙亥竟從吏部選尚書泰和王公
見其文歎曰子何乃不得第進士耶擢其第一授襄
陽府同知君至以屬吏不知爲政取前元張文忠公

三事忠告刻木傳之痛抑豪民爲襄王所知厚加禮
待三年俄丁父憂服除改處州州號難治屬邑龍泉
慶元居民盜鑿銀鑛恃險爲亂鎮守中貴人欲請於
朝盡勦絕之君言此州民常態願往諭之用其言民
皆散去竟無事秩滿乃擢都轉運鹽使司同知鹽池
無垣諸無賴相率持兵械入池恣取往往爭奪殺傷
有司其能禁君上疏陳其弊 朝廷命御史一人巡
視人乃知懼仍用其說築垣以闌人蹟垣廣袤百二
十餘里外鑿濠濠外復築堰以防水患周垣建舖舍
二十四以居邏卒復創分司二於池之東西功畢而

鹽獎頓革先時池旁居民每藏私鹽害中以牟大利
君諭以利害民爭自首悉歸所藏於官自是鹽法大
通商賈益至邊徼多儲蓄歲省轉輸之勞又歲嘗大
雨池水泛溢鹽無所出君率寮屬致齋七日禱於池
神明日天霽而其旁數里雨如故人以爲誠感益君
居官二十餘年盡心職業未嘗有過年末六十卽自
引退又可謂難得也已君事父母盡孝游太學時值
正統末京師有警知其親之念已欲得歸省請於祭
酒蕭公公不可君力請而歸及旣貴恒以祿不逮養
爲恨友其弟尊能讓道津與之教諸子誨諭諄切鉅

細不遺與於人交坦易不變尤好面斥人過人多敬
服之其爲學務博覽亦多一述

福建都轉運鹽使司同知林先生烈墓表

葉春及

隆慶戊辰余至閩則艾陵先生卒已踰歲學士大夫稱之不容口行覲水口之圃父老往往言其登降揖讓延射揚觶觀如堵墻低徊不能去云先生名烈字孔承系出莆陽元季世高提舉廣南儒學留雄州柯樹里子遷東莞遂爲邑人汝椿儒先距始遷七世是爲公父大橋公先生生于正德癸酉幼聰朗年十六步通左傳漢書嘉靖甲午豫陽田公督學嶺表得先生文褒然舉首遂應鄉書裁弱冠耳先是嘉靖改元

崑山莊渠魏公督學上行實誦文辭檄下邑弟子高
等講業五丰先生既舉聞林先生言慨然慕之丁酉
布羔鴈執役門下居月餘聞格物之訓乃知聖人可
至少斯馳以禮爲度自此始當是時東魯王先生崑
山同道先生往質之與師談合益信歸以詩禮教人
雖溽暑衣冠不廢也粵自江門倡道緝熙得其傳終
日乾乾學者以爲鳴矢緝熙沒而微言絕寶潭執役
增城先生與緝熙代興則寶潭亦稱合志卜鄰間右
放舟潭中風月之晨浩歌長嘯翩翩乎僊哉甲申潮
陽薛大行自羅浮移居玉壺洞二仲從之輒旬日而

後迺必有樂于心矣先生師事崑山其嚴事則增城
所遊知交吉州則鄒文莊羅文恭安陸則何亞卿吾
粵則龐太守何宗伯皆海內有道之士也養日深氣
日粹無疾言厲色與人議而有理持重不發不啻注
一矢引千鈞發則命中喜藏書至爲詩文不尚藻績
辭達而已四赴南宮不應令則以家大人春秋高三
奎可樂奈何悲千鍾乎丁未求署江陰學一以崑山
之教教之正人心崇德行先孝弟斯之有違而徒繁
悅之繡不齒已酉同考北畿得蘭谿唐汝楫主考下
之先生爭之彊明年唐廷試第一人服其鑑司務南

延祐九年遷戶部副郎轉郎中皆以勤慎著庚申督
賦江右擇賢者任之責大指而已故事使者不隨家
先生一舉足不忘父母則奉大橋公以行辛酉卒于
行署得視含歛人稱其孝甲子服除轉戶部郎中乙
丑同知福建都轉運鹽使司分司水口羣盜聚于桂
符卽有干柝無敢居署先生立散其黨葺署以居朝
廷之法始立草常度祿積蠹嚴闌出斥亂羣商至如
歸撫寧苗害蠶政舉矣則毀淫祠興社學開射圃勅
書院與諸生講習其中樹黨正聯什伍壇鄉厲院養
濟禁火葬置義冢掩遺骼給輶棺賑孤貧驅虎患修

火政本崑山之教也昔夢歸章授于新主世宗
遺詔至遂不起百姓巷哭商罷市

鹽運司副使王先生沂行狀

梁潛

先生諱沂字子與竹亭蓋所居之號也姓王氏系出瑯琊周司徒敬宗之後晉太傅導之裔也代有聞人高祖封可有孝行理宗時榮王聞其賢辟掌府箋翰注國學待補曾祖孟炎祖性夫俱不仕父以道當元盛時客居淮汴間以詩謁李韓公道復韓公薦之仁宗潛邸仁宗卽位欲官之以親老辭歸其配彭氏爲里望族先生自幼時聞張南軒論孟子義利之說已心慕之旣長益刻苦自勵從鄉先生楊升雲安成彭

復初學易習科舉文辭而于性命之理尤得其精微
值元季兵亂科目廢矣至正癸巳江西行省參政全
普菴撒里分省贛州復設科取士遂以易領鄉薦屬
四郊多壘阻塞不通行省上其名京師時元儲撫軍
得便宜授官爲恢復計命下撫軍院授福建行省照
磨不赴尋授亞中大夫吉安路治中亦不受未幾而
江西陷沒時戊戌夏也國朝洪武庚戌考試于廣東
明年臺臣薦爲諸王說書召至留數月授福建鹽運
司副使先生以老懇辭遂賜歸田里自是屏居不復
出所居城西龍灣之上有竹數百竿日寄傲其中誘

接後學降意怕顏于理欲之際諄諄然辨析必造其
微學者欣然趨之久而皆有所得爲古文宏辨浩博
造既深而達其意必暢揮之既精而致其辭必豐至
于論辨古今成敗得失之際馳騁貫穿而折之于理
如河之赴海如射之中鵠蓋與古之作看相上下而
無忝也尤喜賦詩所與游者皆當時名士若襄城楊
伯謙秣陵周澆豫章萬石大梁幸敬清江彭鏞劉仲
修鄉先生劉尚書昆弟廖文學恩寄陳海桑心吾與
先生之弟御史君子啓日賦咏往還更唱迭和以商
確雅道爲已事溫厚和平出于自然而音調格律之

嚴必合于典則興之所至常登覽臨眺窮山谷之勝
而後止惜所作之富而橐多不有近所傳二抄集者
先生沒後出于門人蕭暈之所收輯直十百中一二
耳所居頗隘別爲一室倣朱子家禮作主以祀先其
法制極備歲時祭祀拜跪升降動合禮儀先世墳塋
率子弟祭掃率有定期風雨不避事親至孝親歿已
久每念及之輒悲痛形于容色于親戚尤有恩意始
終未嘗以貧富異其情與其弟御史君極相友愛御
史君始以罪謫役和州先生聞之終夜不遑安寢家
貧無以爲資貨所有田業往給其費尋介行李躬往

視之久而後歸旣而御史君以宥還日相與怡怡然起居未嘗少離而御史君亦甚愛先生先生儀觀偉然氣岸高邁和氣充溢渾然不見其鋒穎御史君狀貌魁梧威嚴整肅昆弟常從容出鄉閭人望而敬之所謂二妙集者御史君與先生所作皆在也其文曰竹亭退橐者猶若干卷藏于家元進士劉雲章常貸其像曰淵乎玄酒之在尊也凜乎太阿之未出匣也瞬乎其清而挹之弗竭薰乎其和而卽之弗可仰也其出也曳裾五侯之門而不哢其語其處也稅駕七賢之林而不逸于桺吾嘗求之古人蓋不吝陳辭之

辭而唯嘯傲于其榻者歟不然使及門孔氏則風雪
之咏歸端章甫之禮樂固將進退之綽然而特視其
所合也詠者謂是贊足以得其真臨沒強起扶坐神
色不亂呼御史君至與之永訣實洪武癸亥六月二
十七日也年六十有七

山東鹽運司副使蕭公翀墓碣

楊士奇

公諱翀，鵬舉，其字蕭氏。五代時有諱覺者，出長沙徙西昌之禾溪。後又徙今南溪。公蚤孤，季父自成長育之。公時雖幼，已不凡事，自成如父。自成禮致鄉先生劉尚書崧爲之師。夙夜自勵，言行益謹。飭劉先生曰：「此令器也。」後有詔廣京師城下，郡縣民陶悅送京師役大且久，奸民滋爲弊。遣御史廉治之，奸者更蔓引，素異已者是時，縣簡自成長千夫。公往代役，旣爲奸者所引，被收自成，走詣御史言縣實命我長千夫，非

姪也我當坐公曰躬任役者我也叔不與我當坐御史驗籍名竟坐自成謫屯滁州公號泣送自成卽極歸盡傾其貲財往助之自成後得還四明烏斯道作駢義傳著其事自成沒公與弟鵬起從弟鵬翔鵬漢同居相親愛怡怡諸弟亦皆敬事公惟公言是聽肅然不敢出一語涉不義劉先生著五荆傳以美之洪武辛酉以賢良徵至謁見應制賦指侯草稱 旨授蘇州府同知到官蚤暮盡力治公務而自守甚嚴無敢干以私者居七閱月坐秦府買民物不舉謫河南驛夫居河南十八年貧甚不自給從者發近舍地得

黃金匱不告而求去益力有以其故白公詩詰之者
公曰彼所自得吾何預聽去卒不詰復起爲山東鹽
運副使或言公仁厚豈弟宜長民財賦非所以辱公
公聞之曰孔子不爲粟田委吏乎惟克盡職爲不辱
也到官勤尅自守如蘇州儉素不變至沒齒禦寒一
緇袍猶河南時所製誠於恤下下懋誠或之歲課皆
先期而集曰不可以累我公稍暇閉戶讀書賦詩而
已自三司而下皆敬禮之唐軍府丞陸中善嘗使山
東還與余言蕭運副潔清正直爲山東第一惜旣老
矣益未幾遂卒公坦夷直諒言動循於仁義治家尊

卑內外秩然祀祖考盡孝敬時節躬率子弟謁先墓
買田墓下歲命子孫一人司其入以供謁祭著爲式
世守之與人交惻款未嘗啓口及人過失事爲文章
長於詩有集若干卷藏於家卒年七十有二

河東鹽運司判官前尚寶司司丞兼翰林院五

經博士董朗洲子儀墓誌銘 孫承恩

董子朗洲判河東鹽運司之三年爲嘉靖戊申四月
廿四日以疾卒明年其子懋延將治塋事持奉化尹
李子伯臣狀謁予銘董之先與余宗俱汴人從宋南
渡來松世有姻婭董子自少以諸生事余泊舉進士
登仕籍余適在 朝相與殊厚董子仕漸達矣忽得
外補去余力不能振起之乃遽大故也悲夫董子才
性敏慧強問學能文章爲當道者所知與由刑部浙
江司主事改禮部儀制司未幾選入內閣典 制誥

遷尙寶司司丞兼翰林院五經博士與史館校錄

今上崇事玄典凡祈報章詞內閣所進多出董子非

董子製則弗稱以故諸老爭欲致之門下董子苦於

酬應勤日夜弗休雖隆寒盛暑或值病亦不得自解

釋緩急不能人人悉如意於是愛憎易生而其同事

者顧謂其矜能自銜也從而妒之又謂同事者類多

雜流董子以名進士翹然處其中吐論侃侃不少附

和人於是嫉惡者叢至而謗刺行矣其補河東也鹽

司權利之所忌者謂董子居官貧薄或可移易其志

而敗其平生而董子操持愈勵方且閉門修業鹽司

者亦雅知其人不責以職守常務約費校士數百輩
俾侍董子講究經義輩十復和易切劘懇至多士愛
附監司益禮重之薦牒婁上愛董子者謂且復召還
而當道意靡同忌者惟恐其來軋已也多方阻抑之
豈肯援手出一語者乃至一階不復天平人邪才性
如董子少自貶損與時和同崇秩厚祿當不難致而
董子愛矯才以自取同落莫如此乃至死無以治後
事監司命給於官識者尤深悼惜之斯益可以得其
爲人矣董子諱子儀字羽吉號朗洲年四十有七高
祖思忠曾祖以和祖經父龍號南田爲鄉善士封刑

廟名錄

卷之二

三

部主事

卷之二